

ANG CRISTOHANONG KINABUHI, ANG IGLESIAHANONG KINABUHI, ANG PAGKAHINGPIT SA PANAHO, UG ANG PAG-ANHI SA GINOO

(Biyernes—Ikaduhang Sesyon sa Buntag)

Mensahe 2

Magtukaw ug Mangandam Aron Andamon sa Ginoo alang sa Iyang Ikaduha ug Nagkaduol na nga Pag-anhi

Basahong Kasulatan: Mat. 24:1-3, 32-44; 25:1-13

- I. **Ang Griyegong pulong alang sa *pag-abot (parousia)*, nagpasabot og “presensya”; ang pag-abot ni Cristo mao ang presensya Niya uban sa Iyang katawhan; magsugod ang Iyang parousia sa paglalin sa batang-lalaki (Bug. 12:5) ug sa mga unang-bunga (14:1-4) sa dili pa ang dakong kasakitan ug matapos sa pagtungha Niya sa yuta uban sa mga balaan sa kataposan sa dakong kasakitan (Mat. 24:27, 30; 2 Tes. 2:8; Jud. 14).**
- II. **Makita gyod unta nato ang mga ilhanan sa ikaduha ug nagkaduol na nga pag-anhi sa Ginoo—Mat. 24:1-3:**
 - A. Ang kinadak-ang ilhanan sa pagkatapos ning panahona (sa hapit na magsugod ang kataposang tulo ug tunga ka tuig sa dakong kasakitan) mao ang pagsangyaw sa ebanghelyo sa gingharian sa tibuok yutang gipuy-ag tawo—v. 14; Bug. 6:2.
 - B. Ang usa pa ka dakong ilhanan sa pag-anhi sa Ginoo mao ang milagrosong pagkahiuli sa Israel, nga girepresentahan sa kahoyng higera, ingon nga nasod; alang sa mga magtutuo ilhanan sa pagkatapos ning panahona kining kahoyng higera—Mat. 24:32-35; Jer. 24:2, 5, 8.
 - C. Sa dili pa ang adlaw sa ikaduhang pag-anhi sa Ginoo, moabot ang apostasiya, ug ipadayag ang tawong malapason, si Anticristo—2 Tes. 2:3, 7:
 1. Ang sala pagkamalapason man, ang pagkinabuhi nga wala sa prinsipyo sa pagbuot sa Dios sa tawo—1 Juan 3:4.
 2. Nagbuhat karon ang misteryo sa pagkamalapason diha sa kanasoran ug sa katilingban sa tawo hangtod nga ipadayag si Anticristo nga tawong malapason; kay wala man modawat ang mga mangalaglag sa paghigugma sa kama-tuoran, gipadad-an sila sa Dios og lihoc sa kasaypanan, nga aktibong gahom nga mopasalaag, aron motuo sila sa bakak—2 Tes. 2:11.
 3. Tungod niana, makita nato nga natuman ang Isaias 5:20 sa mga nituo sa bakak—“Alaot kadtong nagngalag maayo sa daotan, / Ug nagngalag daotan sa maayo; / Nga naghimo sa kangitngit nga kahayag, / Ug naghimo sa kahayag nga kangitngit; / Nga naghimo sa pait nga tam-is, / Ug naghimo sa tam-is nga pait!”
 - D. Sa hapit na magsugod ang dakong kasakitan, ang kataposang tulo ug tunga ka tuig ning panahona, ipahimutang ni Anticristo ang dulumtanang diosdios sa pagkalaglag, nga larawan niya, sulod sa templo ug pasimbahon ang mga tawo niini ug kaniya (Mat. 24:15; Dan. 9:27; Bug. 13:14; 14:9, 11); nagpakita kini nga tukoron pag-usab ang templo sa Dios sa dili pa mobalik ang Ginoo (2 Tes. 2:4).
 - E. Ang mga kahimtang sa daotang pagkinabuhi nga nakapahubog sa kaliwatan ni Noe sa wala pa ang lunop naghulagway sa kuyaw nga kahimtang sa pagkinabuhi sa tawo sa dili pa ang dakong kasakitan ug sa pag-anhi sa Ginoo; aron ma-

kaapil sa paglalin sa unang mga mananaog, dag-on gyod nato ang makahubog nga epekto sa pagkinabuhi sa tawo karon—Mat. 24:3, 21, 27, 37, 39; Luc. 17:26-27; 21:34-36.

- F. Usa ka ilhanan sa ikaduhang pag-anhi sa Ginoo ang kakulang og pagtuo sa daghang magtutuo Niya—“Inig-abot sa Anak sa Tawo, makakita ba kaha Siyag pagtuo sa yuta?”—18:8.
- G. Ang usa pa ka ilhanan sa ikaduhang pag-anhi sa Ginoo mao nga “kay modaghan man ang pagkamalapason, mabugnaw ang gugma sa daghan”—Mat. 24:12; Bug. 2:4.
- H. Usa ka ilhanan sa kataposan sa kapanahonan ug sa ikaduhang pag-anhi sa Ginoo ang sobrang pagtigom og bahandi—“Nagtigom mog bahandi sa kataposang mga adlaw”—Sant. 5:3:
 - 1. Sa kataposang mga adlaw sa dili pa moanhi ang Ginoo, magtigom og bahandi ang mga tawo nga wala pa sukad mahitabo nga pagtigom ug tungod niana wala silay kalibotan sa umalabot nga kagulan-anan nila ug sa makasusubong dangatanan nila sa paghukom sa Dios—Mat. 16:27.
 - 2. Sa kataposang mga adlaw molabi pa gyod ang pagpahimulos sa materyal nga butang ug pagpasinunot sa pangibog nga wala pa sukad mahitabo nga pag-agpas sa kalipayan—Sant. 5:1-6; itandi sa Zac. 5:5-11

III. Aron kuhaon sa Ginoo, mahimo gyod tang mga tawong nagtukaw alang sa nagkaduol na nga pag-anhi Niya ug naandam na nga mapangasaw-onon Niya (Mat. 24:32-44; Bug. 19:7) aron malalin ta sa dili pa ang dakong kasakitan (3:10; Luc. 21:36):

- A. Ang kahulogan sa malalin kana mang madala ngadto sa presensya sa Ginoo; kon buot tang madala ngadto sa presensya sa Ginoo, kinahanglan naa ta sa Iyang presensya karon—2 Cor. 2:10; Sal. 16:11; 27:8; 43:4; Buh. 3:19-20; Exo. 33:14-16; itandi sa Gen. 4:16.
- B. Aron mahimong mga tawong nahigugma sa pagtungha sa Ginoo, sa Iyang pag-balik, mahalon gyod nato ang Iyang pagtungha, ang Iyang pagpakita, kanato karon—2 Tim. 4:8; Buh. 26:16; Juan 14:21.
- C. Hamtong na sa kinabuhi ang usa nga gilalin, ug wala mahamtong ang usa pa; tibuok-kinabuhi ang pagkahamtong; alang sa pag-anhi sa Ginoo, mangandam gyod ta pinaagi sa bug-os nga paghigugma Kaniya ug sa pagtubo ngadto Niya sa tanang butang aron nga sa Iyang pagtungha, mahamtong ta ug malalin—Heb. 6:1; Juan 21:15-17; Efe. 4:15; itandi sa Gen. 5:22-24.
- D. Ang pagkaandam nga malalin may kalabotan sa hingpit nga pagkapunog Cristo pinaagi sa pag-ampo aron motubo ug mahamtong ta sa kinabuhi—Efe. 3:16-17; *Mga Alawiton*, #395.
- E. Ang kahulogan sa pagkamatukawon mao ang pagmatngon, dili magmapasagaron, magbantay adlaw-adlaw batok sa kahigayonan nga mapandol; wala gyod mosalig sa ilang kaugalingon ug dili masaligon-sa-kaugalingon ang mga nagtukaw—Jer. 17:7-8; 2 Cor. 1:8-9; Fil. 3:3; 1 Cor. 10:12.
- F. Tagong moanhi ang Ginoo, ingog kawatan (Mat. 24:43-44), sa mga nahigugma Niya ug kuhaon sila ingog mga bahandi Niya; si Cristo ang pagkabililhon sa Iyang mga magtutuo (1 Ped. 2:7), ug tinguha nato nga pun-on ug suropan ta Niya sa Iyang Kaugalingon nga kinalabwang pagkabililhon nato, bahandi nato (2 Cor. 4:7), aron mahimo tang mga tawo sa pagkabililhon, ang pagkabililhon mismo man ngani (Dan. 9:23; 10:11, 19).
- G. Ilabi na gyod ning kataposang mga adlaw, magmatukawon gyod ta ug magtagad sa pulong sa panagna ingon sa sugang naghayag sa ngitngit nga dapit, hangtod

mobanagbanag ang adlaw ug mosubang sa atong kasingkasing ang bituon sa kabugason (2 Ped. 1:19); sa pipila ka adlaw nga nabilin kanato, mahigugma ug moalagad gyod ta sa Ginoo, madasig pag-usab ug magmadaogon adlaw-adlaw, ug mobuhi sa kalibotan aron maandam ug maghulat sa ikaduhang pag-anhi sa Ginoo sa tibuok natong kasingkasing.

IV. Samingay sa pagkamatukawon ang pulong sa Ginoo sa Mateo 25:1-13:

- A. Nagtimaan ang mga ulay sa mga magtutuong giisip sa aspeto sa kinabuhi; ang mga magtutuo, nga katawhan sa gingharian, samag putling mga ulay, nga nagdala sa panghimatuod (sa suga) sa Ginoo diha sa ngitngit nga panahon ug nanggula sa kalibotan aron mosugat sa Ginoo; alang niini gikinahanglan nila dili lang ang pagpuyo kondili ang pagpuno sab sa Espiritu Santo—2 Cor. 11:2; Luc. 11:13:
1. Nagtimaan ang mga suga sa espiritu sa mga magtutuo, nga gisudlan sa Espiritu sa Dios nga lana—Prov. 20:27; Isa. 61:1; Heb. 1:9; Rom. 8:16:
 - a. Gipasidlak sa mga magtutuo ang kahayag sa Espiritu sa Dios gikan sa sulod sa ilang espiritu; aron mosidlak ang diosnong kahayag sa sulodnong mga bahin sa tawo, tuhopan (sagolan) gyod sa Espiritu sa Dios nga lana ang espiritu sa tawo nga pabilo (itandi sa v. 16) ug “magsiga” uban sa espiritu sa tawo (12:11).
 - b. Sa ingon niana, nahimong kahayag sa kalibotan ang mga magtutuo ug nagsiga ingon nga suga diha sa kangitngit ning panahona (Mat. 5:14-16; Fil. 2:15-16), nagdala sa panghimatuod sa Ginoo aron mahimaya ang Dios.
 2. Nagpasabot ang *nanggula* (Mat. 25:1) nga dili mopuyo o mopabilin bisan asa kitang mga magtutuo; mogula hinuon ta sa kalibotan aron motagbo sa mabot nga Cristo nga atong Pamanhonon.
 3. Isip mga tawong nagtinguha sa Ginoo nga naghulat sa Iyang pag-anhi, nanggula ta uban Niya aron motagbo Niya sa pagpauraray nato Niya nga atong Hinigugma, hingpit gyong nisalig Niya ug makanunayong nagpahimulos Niya ingon nga atong kusog sa “paggula” aron mobiya ta sa kalibotan—A. A. 8:5.
- B. “Ang mga buangbuang, sa pagdala nila sa ilang mga suga, wala magdalag lana nila; apan nagdalag lana ang mga mabuot sa ilang mga sudlanan ug sa ilang mga suga”—Mat. 25:3-4:
1. Nagtimaan sa kalag sa mga magtutuo ang mga sudlanan—Rom. 9:21, 23-24.
 2. Ang pagkaanaay lana sa atong suga kana mang nagpuyo ang Espiritu sa Dios sa atong espiritu; ang pagdalag lana sa atong sudlanan kana mang napuno ug nasuropan sa Espiritu sa Dios ang atong kalag aron makakinabuhi ta sa ulayng kinabuhi alang sa panghimatuod sa Ginoo—Mat. 25:4, 9-10.
 3. Naa na ang Espiritu sa atong espiritu nga gipanganak pag-usab, apan ang pangutana kon naa ba tay kapin nga bahin sa Espiritu sa atong kalag o wala ba.
 4. Nagdalag lana ang mabuot nga mga ulay sa ilang mga sudlanan ug mga suga; nagtimaan kini sa pagkaanaay kapin nga lana sa pagkapuno nato sa Espiritu sa atong kalag aron matransporma ta—2 Cor. 3:18.
- C. Ang usa sa labing maayong paagi nga makabaton og lana, makadawat og dugang pa sa Espiritu, pagpamalandong man sa pulong sa Dios aron suod nga makig-ambitay Niya diha sa espiritu ug kahimtangan sa pag-ampo—Sal. 119:15, 23, 25, 27, 48, 78, 97, 99, 148; Juan 6:63; Efe. 6:17-18.
- D. “Niingon ang mga buangbuang sa mga mabuot, Hatagi mig diyotay sa inyong lana, kay nagkaawop ang among mga suga. Apan nitubag ang mga mabuot, nga niingon, Basin dili magpaigo alang namo ug alang ninyo; adto hinuon mo sa mga namaligya, ug pamalit mo alang sa inyong kaugalingon”—Mat. 25:8-9:

1. Nagpasabot ang pagpalit og bayran gyod; mobayad gyod ta aron mapuno sa Espiritu sa atong kalag—v. 4; itandi sa Prov. 23:23; Bug. 3:18:
 - a. Ang Espiritu nga nisulod sa atong espiritu (Rom. 8:16) walay bayad nga gihatag kanato, apan dili libre ang nagsuop nga Espiritu isip kapin nga lana nga mopuno sa atong kalag; bayran gyod nato kini aron mapalit nato.
 - b. Naglakip ang bili sa mga butang sama sa pagbiya sa kalibotan, pagbatok sa kaugalingon, paghigugma sa Ginoo labaw sa tanan, ug pag-isip sa tanang butang nga kapildihan alang ni Cristo—Mat. 16:24-26; Mar. 12:30; Fil. 3:7-8.
 2. Ang dinaliang gikinahanglan nato pagpakabaton mag dugang pang Espiritu nga kahingpitan sa nahikay nga Tulo-usang Dios, aron magkinabuhi nga nagpalit og kapin nga bahin sa Espiritu nga mosuop sa tibuok natong pagkatawo—Mat. 25:9; itandi sa Dan. 5:27.
- E. Dili makaapil sa kombira sa kasal ang buangbuang nga mga ulay, nga wala magdalag lana sa ilang mga sudlanan ug wala maandam inig-abot ni Ginoong Jesus; una ba tang malalin o dili aron makaapil sa kombira sa kasal nag-agad man sa adlaw-adlawng pagpalit nato sa Espiritu—Mat. 25:10-12; Bug. 19:7-9; 2 Cor. 4:16; Tito 3:5:
1. Aron maangayan tang lalinon ug makaapil sa kombira sa kasal sa Pamanhonon magtigom kun magpundo gyod tag igong espirituhanong lana sa atong sudlanan sa taas nga panahon—Bug. 19:7-9.
 2. Kon buot ta nga mahimong mabuot ug maalamong mga ulay, ang mga matukawon sa kinabuhi, bawion gyod nato ang panahon; nagpasabot kini nga kuptan nato ang tanang higayan nga naa nato aron mapuno ta sa Espiritu; ang igong lana maoy makapasulod nato sa kombira sa kasal—Efe. 5:16.
- F. Ang pagkamatukawon pagkapuno man sa Espiritu sa tibuok adlaw; kon pasu-ronon nato ang Espiritu sa tibuok natong pagkatawo, matukawon ta nga mga tawo, nag-andam sa atong kaugalingon ug giandam sa Ginoo alang sa Iyang ikaduhang pag-anhi—vv. 14-18; Bug. 19:7; 21:2.
- G. Adlaw-adlaw magmatukawon gyod ta sa pagbayad sa bili aron mopalit sa Espiritu nga bulawanong lana aron masangkapan nato ang kaiglesiahan sa Espiritu alang sa panghimatuod ni Jesus ug magantihan ta sa Ginoo ug makaapil sa panihapon sa kasal sa Cordero—Mat. 25:9-10; Bug. 3:18; Zac. 4:6, 11-14; Huk. 9:9.